

վրա: Հեղինակը գտնում է, որ հանճարեղ արտիստի նկատմամբ արևմտահայ մտավորականության անտարբերությունը ուներ արտաքին, ցուցադրական բնույթ, և դրան տալիս է այնպիսի համոզիչ բացատրություն, որը օգնում է հայ մշակույթի մի շարք կենդանի հարցերի պարզաբանմանը առհասարակ՝ կապված Ա. Արփիարյանի, Տ. Կամսարականի, Լ. Բաշալյանի և այլոց անունների հետ: Գ. Ստեփանյանը փաստական տվյալներով ցույց է տալիս, թե ինչպիսի վտանգ էր ներկայացնում սովորական բնապետության համար Ադամյան-արվեստագետը և քաղաքացին: պատահական չէր, որ արտիստի թաղումը Պոլսում ստացավ քաղաքական ցույցի բնույթ:

Աշխատության II հատորի վերջին բաժինը նվիրված է հայտնի թատերական գործիչ, ռեժիսոր և դերասան Մ. Մնակյանի «Օսմանյան դրամատիկ թատրոնին», որը 1884 թ. սկսած, երեսուն տարի շարունակ, իր ներկայացումները տալիս էր հիմնականում թուրքերեն լեզվով, բայց որի ղեկավարը երբեք չի դադարել երազել մշտական հայ խմբի մասին և միշտ էլ օգտագործել է պատեհ առիթը՝ հայերեն ներկայացումներով հանդես գալու համար: Իր շուրջը համախմբած հայերի հետ միասին Մնակյանը կարողացավ ավելի քան քառորդ դար կանգուն պահել թուրքական թատրոնը, պատահական չէ, որ թուրք ազգային թատրոնի հիմնադիրները նրա անունը արտասանում են խորին ակնածանքով և նրան համարում են իրենց ուսուցիչը: Սակայն չպետք է մոռանալ և այն, որ Մնակյանը մինչև թուրքական թատրոնի գլուխն անցնելը 25 տարի անխզելիորեն կապված է եղել հայ ազգային թատրոնի հետ, համարվել է նրա ամենախոշոր ներկայացուցիչներից, որի անունը միշտ դրվել է Պետրոս Ադամյանի կողքին:

Գ. Ստեփանյանի բնատրվող աշխատության լեզուն պարզ է ու դյուրամբուհելի, ու շնայած փաստական նյութի հարստությանը և «գերբեռնվածությանը», ընթերցվում է լարված հետաքրքրությամբ: Երկու հատորն էլ ունեն օգտագործված աղբյուրների ու ծանոթագրությունների հարուստ, մեծ բարեխղճությամբ կազմված բա-

ժիններ, որոնք ոչ միայն բարձրացնում են աշխատության ճանաչողական արժեքը, այլև ցույց են տալիս, թե փաստական ինչպիսի ամուր հիմքի վրա է խարսխված գիտական այս նշանակալից հետազոտությունը:

Նման գործը, իհարկե, չէր կարող գերծմնալ նաև որոշ թերություններից, որոնցից մի քանիսը արդեն նշել ենք: Կուզենայինք ավելի լացնել հետևյալը: Գրքի II հատորի կառուցվածքն այնքան էլ հստակ չէ: Այսպես, օրինակ, կարելի էր Ֆասուլաճյանի գործունեությունն ամբողջությամբ ամփոփել մի բաժնում, իսկ «Մնակյան խմբի» մասին խոսել «Վարդույան թատերախմբից» անմիջապես հետո, որովհետև դրանք միմյանց հաջորդած, իրար շաղկապված, նույնանման բնույթի երևույթներ են: Սիրանուշի դիմապատկերը կարելի էր սահմանափակել արևմտահայ շրջանով, իսկ արտիստուհու գործունեությունը ուսահայ թատրոնում՝ թողնել նրա պատմաբանին (ինչպես վարվել է հեղինակը Ադամյանի հետ), մանավանդ որ Սիրանուշի կովկասյան և ուսաստանյան կյանքը դրքում ստացվել է թուուցիկ և արտիստուհու մեծ արվեստի մասին լիակատար պատկերացում չի տալիս: Աշխատությունը, ինչպես վերևում նշվեց, ծանրաբեռնված է բազմաթիվ ու ոչ այնքան կարևոր դեմքերին նվիրված հատվածներով, և այդ պատճառով էլ հեղինակը երբեմն կրկնել է իրեն, որովհետև ամեն անգամ հարկադրված է եղել խոսել նույնանման դեպքերի մասին, շնայած ամեն անգամ էլ ձգտել է նույն փաստը տալ նոր շարադրանքով: Գ. Ստեփանյանի սոցիալական վերլուծություններին, որոնք հատկապես երևում են մշակութային գործիչների և նրանց արվեստի՝ կյանքի հետ ունեցած կապի բացահայտման ընթացքում, երբեմն պակասում է նրանց ստեղծագործության գեղագիտական մեկնաբանությունը:

Նշված թերությունները չեն նսեմացնում աշխատության ընդհանուր արժեքը: Գ. Ստեփանյանի «Ուրվագիծ արևմտահայ թատրոնի պատմության» հետազոտությունը մնայուն ներդրում է հայ թատերագիտության մեջ:

Արվեստագիտ. դոկտոր Բ. ՀԱՐՈՒԹՅԱՆ

Ս. Վ. ՍԱՐԳՍՅԱՆ, Հայ ռազմական արվեստի պատմությունից, Երևան, 1969, 218 էջ, գինը 83 կոպ.:

Գրախոսվող աշխատությունը ընդգրկում է մ. թ. ա. VI դարից մինչև մ. թ. VII դարի սկզբի հայ ռազմական արվեստի պատմությունը: Բաղկացած է 10 գլխից և ներածությունից: Առաջին գլխում («Ընդհանուր ակնարկ») հեղինակ-

ըր տալիս է Հայկական լեռնաշխարհի ռազմաստրատեգիական նշանակությունը, նկարագրում զորքերի կազմակերպումը և սպառազինումը, մարտավարության եղանակը, վիրավորների բուժումը, Հայաստանի պաշտպանողական կա-

ոուցումները և դրանց նշանակությունը: Հաջորդ գլուխները վերաբերում են՝ ռազմա-ստրատեգիական մտքի ծագմանը հին Հայաստանում, որը հեղինակը կապում է առասպելական Հայկի և Բելի կովի հետ, հայերի պայքարին Մառաստանի և Աքեմենյան Պարսկաստանի դեմ մ. թ. ա. VI դարում, հայերի մասնակցությանը Ալեքսանդր Մակեդոնացու դեմ մղված ճակատամարտերին, հայկական հողերի միավորման և կենտրոնացված պետություն ստեղծելու համար ու Հոռմի խարստահարման դեմ հայ ժողովրդի մղած պայքարին, III և IV դարերի հայ-պարսկական պատերազմներին, հայ ժողովրդի ազատագրական պատերազմներին V—VI դարերում և VII դարի սկզբին:

Մեր պատմագրության մեջ սա առաջին փորձն է՝ ցույց տալու հայերի ռազմական արվեստի ծագումն ու զարգացումը: Անկասկած է, որ հեղինակը այս գրքի վրա աշխատել է երկար տարիներ, ի մի հավաքելով և ընդհանրացնելով հայ ու օտար մատենագիրների այն տեղեկությունները, ինչպես նաև պատմաբանների հետազոտությունները, որոնք առնչություն ունեն հայերի ռազմական արվեստի պատմության հետ: Անշուշտ, այս թեմայով գրքի հրատարակումը ողջունելի է: Բայց, ցավոք, գիրքը ունի լուրջ թերություններ, որոնք ընթերցողին կարող են դնել թյուրիմացության մեջ:

Ինչպես հայտնի է, ժամանակակից ռազմական արվեստը, որպես ռազմական գիտություն, հիմնական բաղկացուցիչ մասը, զբաղվում է պատերազմի, ռազմական օպերացիայի, կովի նախապատրաստման և դրանք վարելու եղանակների ու ձևերի ուսումնասիրմամբ: Նա ընդգրկում է ստրատեգիան, օպերատիվ արվեստը և տակտիկան, որոնք սերտորեն կապված են իրար հետ: Իսկ այդ արվեստի պատմությունը, որը ռազմական պատմության մի մասն է, ըզրադվում է պատերազմական գործողություններ վարելու եղանակների և ձևերի ծագման ու զարգացման խնդրերով: Հետևապես «Հայ ռազմական արվեստի պատմություն» գրքի հեղինակի հիմնական խնդիրը պետք է լիներ ուսումնասիրել հայերի մոտ այդ արվեստի զարգացման ընթացքը, նրա առանձնահատկությունները և բնորոշ դժերը, այսինքն՝ ցույց տալ հայերի ռազմական ստրատեգիայի և տակտիկայի զարգացման ընթացքը, սկսած մ. թ. ա. VI դարից մինչև VII դարի սկիզբը:

Եթե ուշադիր հետևենք հայերի վարած պատերազմներին, սկսած մ. թ. ա. VI դարից մինչև մարզպանական շրջանը ներառյալ, դժվար չի լինի նկատել, որ այդ լուրջ պատերազմները, բացառությամբ Տիգրան II-ի արշավանքի իր երկրի սահմաններից դուրս, հիմնականում տեղի

են ունեցել բուն Հայաստանի տերիտորիայում: Հայերը հանդիպում էին թշնամու զորքին իրենց սահմանի մոտ, որտեղ ճակատամարտ էին տալիս, հետո նահանջում էին Հայկական լեռնաշխարհի խորքերը, պահպանելով իրենց ուժերը և օգտագործելով երկրի տեղանքը, թշնամուն հասցնում էին նոր հարվածներ, մինչև որ նա թուլանա և նահանջի: Նահանջող թշնամուն հայերը հետապնդում էին մինչև իրենց սահմանը, իսկ եթե պատահում էր, որ մտնում էին թշնամու պետության տերիտորիան, ապա շատ հեռու չէին գնում, շուտով վերադառնում էին և Փավստոս Բուզանդի դիպուկ արտահայտությամբ՝ «իրենց երկրի սահմաններին պահպան կանգնելով մեծ զգուշությամբ պահպանում էին» (Փավստոս Բուզանդ, Պատմություն հայոց, 1968, 4, 15):

Հայերի այդ ստրատեգիայի սոցիալ-տնտեսական ու սոցիալ-քաղաքական հիմքերի, նրա դրական և բացասական կողմերի բացահայտումը պետք է լիներ դրախոսվող գրքի առաջին և հիմնական խնդիրը, մինչդեռ հեղինակը ռազմական արվեստի պատմության այս հիմնական հարցը չըջանցել է: Նա մեթոդոլոգիական ճիշտ սկզբունքով չի մոտեցել ռազմական արվեստի պատմության երկրորդ հիմնական խնդրին՝ տակտիկայի զարգացմանը: Իր գրքի առաջին գլխում Ս. Սարգսյանը առանձին բաժին է հատկացրել «մարտավարության եղանակին», որտեղ գրում է. «Սովորաբար մարտական կարգերը կազմել են աջ և ձախ թևերից, կենտրոնից և թիկունքի զորքերից» (էջ 17): Եվ, իսկապես, ըստ Ս. Սարգսյանի, ինչպես դյուցազնական Հայկի (էջ 30), այնպես էլ Ավարայրի ճակատամարտի (էջ 183) ժամանակ հայերի մարտական կարգը բաղկացած էր կենտրոնից, աջ և ձախ թևերից ու պահեստի ուժերից: Մարտակարգի այդպիսի մակարդակին բոլոր ժողովուրդները, այդ թվում և հայերը, հասել են երկար դարերի ընթացքում, պատերազմ վարելու ձևերն ու եղանակները անընդհատ փոփոխվել են, ընդ որում փոփոխությունները կատարվել են պարզից դեպի բարդը, ստորինից դեպի բարձրագույնը: Ծիշտ է, այդ փոփոխությունները կատարվում էին շատ դանդաղ. ստրկատիրական և ֆեոդալական հասարակարգում արտադրողական ուժերի և արտադրական տեխնիկայի դանդաղ զարգացման հետևանքով, բայց մի ընդհանուր «մարտավարության եղանակի» կամ «սովորական մարտական կարգի» մասին խոսելը սխալ է, քանի որ դրանով ժխտվում է ռազմական արվեստի պատմության գոյությունը, որի ուսումնասիրման առարկան մարտավարության եղանակների և ձևերի ծագումն ու զարգացումն է: Հայ ռազմական արվեստի պատմությունը

ցույց տալու համար հեղինակը պետք է ուսումնասիրեր և իր աշխատության մեջ ցուցադրեր հայ ժողովրդի վարած այն պատերազմները և ճակատամարտերը, որտեղ ծագել են մարտավարության և կռվելու նոր, ավելի բարձր եղանակներ ու ձևեր: Դրանց ընդհանրացումը կտար հայերի ռազմական արվեստի բնորոշ և յուրահատուկ գծերը, սակայն հեղինակը գնացել է ուրիշ ճանապարհներով. նա ժամանակագրական կարգով շարադրել է 50-ից ավելի պատերազմների, ճակատամարտերի, կռիվների պատմություն՝ առանց հաշվի առնելու նրանց նշանակությունը ռազմական արվեստի զարգացման համար, և ստացվել է ոչ թե ռազմական արվեստի, այլ պատերազմների պատմություն, որը ռազմական պատմության մի ուրիշ մասն է: Սակայն այդ պատմությունն էլ նա շարադրել է ոչ թե խորը, ինքնուրույն ուսումնասիրությունից հետո, այլ այնպես, ինչպես մի որևէ տեղ կարդացել է, կամ էլ ենթադրաբար, խեղաթյուրելով այդ պատերազմների, ճակատամարտերի և կռիվների իսկական պատկերը:

Բերենք օրինակներ:

1. Նկարագրելով 331 թ. (մ. թ. ա.) Գավգամելայի ճակատամարտը, որտեղ Ալեքսանդր Մակեդոնացին վերջնական պարտության մատնեց պարսիկներին, Ս. Սարգսյանը գրում է. «Ալեքսանդր Մակեդոնացու զորքերում հաշվվում էր 50000—60000 մարդ» (էջ 51): «Պարսից զորքերը թվով զգալիորեն գերակշռել են հունական զորքերին: Պարսկական բանակն ուներ 60—80 հազար մարդ հետևակ, 12000 հեծելազոր, 100 մարտական սալյակ և 15 մարտական փիղ» (էջ 52): Բսկ մինչ այդ խոսելով այդ ճակատամարտին հայերի մասնակցության մասին, նա գրում է. «Արրիանի և Կուրտիուս Ռուֆուսի տեղեկություններով, պարսից զորքերի հետ միասին, Գավգամելայի ճակատամարտում հայերը կռվել են Ալեքսանդր Մակեդոնացու դեմ: Կուրտիուսի տվյալներով, այդ ճակատամարտին մասնակցել են հայկական 40000 հետևակ և 7000 հեծելազոր» (էջ 50, 51): Եվ, վերջապես, բացատրելով պարսիկների պարտության պատճառները, հեղինակը գրում է. «Գավգամելայի ճակատամարտում պարսից զորքերի աջ և ձախ թևերում, Ալեքսանդր Մակեդոնացու զորքերի դեմ արիաբար մարտնչել են Պարսից դաշնակից Մեծ Հայքի և Փոքր Հայքի սկյութացիների և մյուս ժողովուրդների ու ցեղերի զորքերը: Անկայունություն են հանդես բերել միմիայն կենտրոնի՝ գլխավորապես Դարեհ III-ի հրամանատարության տակ պարսիկներից կազմված զորքերը, որոնց փախուստը սկզբնավորում է ընդհանուր պարտությունը» (էջ 53):

Հստ հեղինակի ստացվում է այնպես, որ Գավգամելայում Ալեքսանդր Մակեդոնացու դեմ կռվում էին հիմնականում հայերը, որոնք կազմում էին պարսկական զորքի մեծ մասը (միջին հաշվով մոտ 60 տոկոս) և որ հայերը պարսիկներին ենթարկված մյուս ժողովուրդների զորքերի հետ միասին արիաբար մարտնչել են պարսիկների համար, մինչդեռ իրենք պարսիկները, դիմել են փախուստի: Բրանակում այսպես չի եղել: Եթե հեղինակը իր ունեցած տեղեկությունները համեմատեր սկզբնաղբյուրների հետ, կտեսներ՝

ա) Կուրտիուսի տվյալները՝ հայկական 40000 հետևակի և 7000 հեծելազորի մասին, Գավգամելայի ճակատամարտին չեն վերաբերում: Կուրտիուս Ռուֆուսի այդ վկայությունը ուրիշ կովի՝ 333 թ. (մ. թ. ա.) Իսոսի ճակատամարտի մասին է (տե՛ս К в и н т К у р ц и й Р у ф, История Александра Македонского, Москва, 1963, III, 2, 6: Նկատենք, որ այս սխալ տեղեկությունը հեղինակը վերցրել է 2. Մանանդյանի «Քննական տեսություն հայ ժողովրդի պատմության» զրբից, 1944, էջ 91, որը կրկնվում է նաև «Հայ ժողովրդի պատմության» բուհական դասառըրքում, 1963, էջ 15):

բ) Կհամոզվեր, որ ոչ միայն հռոմեական զորավարների ղեկուցադրերում, այլ ընդհանրապես հին դարերի հեղինակների մոտ թշնամու զորքերի թիվը չափազանցները սովորական երևույթ էր և այդ տվյալները ստուգման խիստ կարիք ունեն: Այսպես, Արրիանոսի տվյալներով Գավգամելայում Դարեհ III-ը ուներ 40000 հեծյալ և 1000000 հետևակ զորք (А р р и а н, Поход Александра, М.—Л., 1962, III, 8, (6)): Մինչդեռ հետազոտությունները ցույց են տալիս, որ պարսիկների ամբողջ զորքի թիվը 80000-ից ավել չի եղել:

Պարսիկների դեմ հունամակեդոնական պատերազմի մեր ժամանակի բոլոր հետազոտողները եկել են այն եզրակացության, որ պարսիկների պարտության պատճառներից մեկը այն էր, որ նրանց բանակը կազմված էր Պարսկաստանի կողմից հարստահարվող տարբեր ազգերի և ցեղերի պատկանող զինվորներից, որոնց համար պարսիկների կռիվը հարազատ գործ չէր: Պատմագրության մեջ Գավգամելայի ճակատամարտը բավականին ուսումնասիրված է և նրա մասին կան պարզ և բոլորին մատչելի տեղեկություններ. չնայած դրան, հեղինակը նույնիսկ շփոթել է ճակատամարտին մասնակցած պարսկական հայտնի «Անմահների» զնդի («Մատյան գունդ») թիվը, 10000-ը դարձնելով 15000 (էջ 50): Ինչ վերաբերում է Գավգամելայում պարսիկների պարտության հիմնական

պատճառներին, պետք է ասել, որ դրանցից մեկը այն էր, որ այդ ճակատամարտում Ալեքսանդր Սակեղոնացին զործադրեց ավելի բարձր տակտիկական ձևեր և մարտավարման եղանակ, քան ունեին պարսիկները:

2. Երկրորդ ճակատամարտը, որի վրա ուղում ենք կանգ առնել, դա 68 թ. (մ. թ. ա.) Արածանի ճակատամարտն է Տիգրան II-ի ժամանակ: Ընդհանրապես մենք չունենք Տիգրան II-ի վարած պատերազմների ուղեգրերը ուսումնասիրությունները: Հ. Մանանդյանի «Տիգրան Բ և Հոռմը», ինչպես նաև Հ. Աստուրյանի «Քաղաքական վերաբերությունները ընդմեջ Հայաստանի և Հոռմա 190 հն ՆՔ մինչև 428 ՀՔ.» ուսումնասիրությունները ուղեգրերն արվեստի տեսանկյունից չեն, ունեն չհիմնավորված եզրակացություններ: Ս. Սարգսյանը, խոսելով Արածանի ճակատամարտի վայրի մասին, տեղեկությունները քաղում է Հ. Մանանդյանից: Սարգսյանը գրում է. «Դեպի Արտաշատ Լուկուլոսի արշավելու ժամանակ հայերի և հռոմեական զորքերի միջև խոշոր և վճռական ճակատամարտ տեղի ունեցավ 68 թ. սեպտեմբերի կեսերին, երբ հռոմեական զորքերը փորձեցին անցնել Արածանի գետը, Բագավանից հյուսիս, այժմյան Ղարաքիլիսայից 25—30 կիլոմետր դեպի արևելք վայրում» (էջ 91):

Այսպես է արգյոք:

Պլուտարքոսը, նկարագրելով Արածանի ճակատամարտից հետո հռոմեացիների շարժումը դեպի Արտաշատ, հաղորդում է հետևյալը. «Սրանք դժվարությամբ էին անցնում գետանցքներով», «Ճակատամարտից հետո հռոմեական զինվորները մի քանի օր գնում էին Լուկուլոսի հետևից, բայց հետո ընդդիմացան և նա նահանջեց» (П л у т а р х, Сравнительная жизнеописания, С. Пет., 1892, էջ 87, 88): Արածանի գետի այն մասը, որը հեղինակը ցույց է տալիս իբրև ճակատամարտի տեղ, գտնվում է Հայկական պարի հարավային փեղերի մոտ, այդտեղից մինչև այդ զանգվածի լեռնանցքները, որոնցով պետք է անցնեին հռոմեացիները Արտաշատ գնալու համար, չկա մի այնպիսի գետ, որը դժվարություն պատճառեր զորքի անցնելուն: Այդտեղ կան միայն փոքրիկ առվակներ: Բացի դրանից, ճակատամարտի այդ ենթադրական տեղից մինչև Կուջաղի լեռնանցքը, Արտաշատի ճանապարհի վրա, ուղիղ դժով 42—43 կիլոմետր է, իսկ սովորական ճանապարհով՝ ոչ ավելի 60—65, այսինքն 2 օրվա ճանապարհ է: Մինչդեռ ըստ Պլուտարքոսի հռոմեացիները ճակատամարտից հետո հետապնդել են նահանջող զորքին, որից հետո մի քանի օր էլ շարժվել դեպի Արտաշատ և միայն այն ժամանակ մոտեցել Հայկական պարին: Կան և ուրիշ փաստեր,

բայց այս երկուսի հիման վրա էլ կարելի է ենթադրել, որ ճակատամարտը ավելի հեռու է եղել Հայկական պարից, քան ցույց է տվել հեղինակը: Չորոշելով ճակատամարտի ճիշտ տեղը, հնարավոր չէ լրիվ պատկերացում կազմել կովի ընթացքի և զորքերի տեղադրման մասին, որ, ինչպես երևում է, հեղինակին առանձնապես չի մտահոգել. նա գրում է. «Հռոմեացիների շուրջ 50 հազարանոց բանակի դեմ է կանգնել (խոսքը Արածանի ճակատամարտի մասին է) հայոց, Իբերիայի, Ատրպատականի և Մարգերի՝ մոտ 30 — 35 հազար հեծելազորը՝ Տիգրան II-ի ղեկավարությամբ: Իսկ հետևազորը շատ էր հոգեմեծ, որովհետև ընդունակ չի եղել սրբնթաց հեծելազորի հետևից մարտադաշտ հասնել» (էջ 94), իսկ այդ նույն ճակատամարտի սխեմայում (էջ 92) նա ցույց է տալիս հռոմեացիների դեմ կրուկող հայկական զորքի մարտակարգը, որի կենտրոնում գտնվում է հետևակը:

Վերջապես մի դիտողություն ես. հեղինակը գրում է. «Մարտ վարելու այդ եղանակները, որոնք մշակվել և կիրառվել են 68 թ. Լուկուլոսի դեմ մղված պատերազմներում, տասնհինգ տարի հետո կրկնեց պարթև զորավար Սուրենը խարանի մոտ, Կրասոսի դեմ մղված ճակատամարտում» (էջ 98): Բանն այն է, որ պատերազմ վարելու այդ եղանակը ունի ավելի հին պատմություն, քան նա է կարծում: Այդպես էին կոչվում ուժեղ թշնամու դեմ դեռ մեր հեռավոր նախորդները՝ ուրարտացիները: 858 թ. (մ. թ. ա.) ուրարտացիների թագավոր Արամը հենց այս եղանակով կովեց ասորեստանցիների դեմ (Е. Р а з и н, История военного искусства, Москва, 1955, էջ 70):

3. Երրորդը Ավարայրի ճակատամարտն է, հայ ազգային ազատագրական պայքարի գաղափրակներ: Այդ ճակատամարտի տեղը, ընթացքն ու ելքը, հայկական զորքերի թիվն ու մարտակարգը Ս. Սարգսյանը այնքան է ազավաղել ու խճճել, որ իսկական Ավարայրից ոչինչ չի մնացել: Ըստ Ս. Սարգսյանի հայկական զորքը մայիսի 20-ին կամ 21-ին դուրս է եկել Արտաշատից և 25-ին հասել Ավարայրի դաշտը, ըստ որում հեծելազորը և հետևակը տարբեր ժամանակ են տեղ հասել (էջ 168): Դա ճիշտ չէ. հայկական զորքը Արտաշատից դուրս է եկել 451 թ. ապրիլին և մի քանի օրից հետո հասել Արտաղ գավառը, իսկ մայիսի 25-ին այդտեղից մոտեցել է պարսիկների բանակատեղին՝ նրանց հետ ճակատամարտելու նպատակով: Այս ամենը սլարզվում է ոչ միայն Եղիշի և Ղ. Փարպեցու գործերի ուսումնասիրությունից, այլև XIII դարի պատմիչ Ստեփանոս Օրբելլյանի հաղորդածից. «Նւ անցնալ Արտաղ գավառ յետ ամսօրեայ աւուրց եղև խմբումն մեծ

սլատերազմին յորում պսակեցավ սուրբն Վարդան աշխարհի ընկերոք» (Պատմութիւն նահանգին Սիսական, Թիֆլիս, 1910, էջ 62)։ Ինչ վերաբերում է հեծելազորի և հետևակի տարբեր ժամանակ Ավարայրի դաշտ հասնելուն, դա էլ այդպես չէ։ Նախ ո՛չ Եղիշեն և ո՛չ էլ Ղ. Փարպեցին նման բան չեն ասում, երկրորդ՝ հայերի հրամանատարությունը առաջին անգամը չէր, որ կազմակերպում էր հետևակի և հեծելազորի միատեղ երթը, և ի վիճակի էր լուծել այդ հասարակ ռազմական խնդիրը։

Ճակատամարտի տեղի մասին Ս. Սարգսյանը գրում է հետևյալը. հայկական զորքը «հասնում է Ավարայրի դաշտը և կանգ առնում Տղմուտ (Աղ-շայ) գետի ձախ ափին, որի աջ ափին արդեն բանակ էր դրել պարսից զորքը» (էջ 186)։ Իսկ Ավարայրի ճակատամարտի սխեմայում (192 և 193 էջերի մեջ) հեղինակը ճակատամարտի տեղը ցույց է տալիս Մակու-շայի վրա, որը գտնվում է Տղմուտից (Աղ-շայից) 40—45 կիլոմետր հյուսիս։ Զբաղարարվելով դրանով, Ս. Սարգսյանը հորինում է մի նոր, երրորդ տեղ. նա գրում է. «Հայկական բանակի հրամանատարությունը ճակատամարտի վայրն ընտրելիս կարևոր նշանակություն չի տվել տեղանքին։ Նա անուշադրության է մատնել այն, որ պարսից վիթխարի բանակը զուրկ է մանևրելու նարավորությունից, որովհետև նրա աջ թևով էին Զիրեր-շայի հովտի ճահճենները, իսկ ձախ թևով ամուր սեղմվել էր Կարադաղ լեռների արևելյան լանջերին» (էջ 199)։ Այստեղ հեղինակը շփոթել է Ավարայրի ճակատամարտի տեղը, արևելքն ու արևմուտքը՝ աջ ու ձախ թևերը։ Զիրեր-շայի հովտը և Կարադաղ լեռների արևելյան լանջերը գտնվում են Տղմուտից 50—100 կիլոմետր հարավ-արևելք։ Որպեսզի ներանք լինեին պարսկական բանակի աջ և ձախ թևերում, ինչպես Ս. Սարգսյանն է գրում, պարսական զորքը պետք է ունենար 60—70 կիլոմետր ճակատ և հարձակվեր ետ, դեպի Թավրիզ և ոչ դեպի Արտաշատ։ «Տղմուտ գետի աջ ափին, 15—18 կմ լայնությամբ, նյութալավությամբ ստեղծում է ամուր պաշտպանություն՝ փորելով անանցանելի փոսեր և կառուցելով պաշտպանողական պատնեշներ» (էջ 190)։ Իսկ այս տողերից և թե՛ ճակատամարտի սխեմայից պարզ հետևում է, որ ըստ հեղինակի հայերի և պարսիկների միջև Ավարայրում մարտը տեղի է ունեցել մինչև 18 կիլոմետր երկարություն ունեցող ճակատով։ Սա էլ ճիշտ չէ։ V դարում, ինչպես և մինչ այդ և դեռ շատ դարեր հետո ճակատամարտերը տեղի էին ունենում փոքր, սահմանափակ տարածության վրա, ոչ ավել 1—4 կմ երկարություն ունեցող ճակատով։ Այսպես, 333 թ. (մ. թ. ա.) Իսոսի ճակատամար-

տում բախումը տեղի ունեցավ 4 կիլոմետրի վրա, 216 թ. (մ. թ. ա.) հայտնի Կաննում՝ 2 կիլոմետրի, 357 թ. Արգենտորոտի (Ստրասբուրգի) մոտ զերմանացիների և հռոմեացիների միջև՝ 2,5 կիլոմետրի վրա, իսկ 1812 Պ. Բորոգինոյում, շնայած պենքը և կովեկու ձևերը փոփոխվել էին, ճակատամարտը տեղի ունեցավ մոտ 7 կմ երկարություն ունեցող տարածության վրա։ Ուսումնասիրությունը ցույց է տալիս, որ Ավարայրում հայերի ու պարսիկների բախման ճակատի երկարությունը եղել է մոտ 3 կմ (տե՛ս «Պատմա-բանասիրական հանդես», 1967, № 4)։ Հայ և պարսիկ զորքերի թվի մասին Ս. Սարգսյանը գրում է. «Ինչպես Եղիշեն, նույնպես և Փարպեցին վկայում են, որ Ավարայրի ճակատամարտում հայկական բանակը կազմված էր 66 հազար մարդուց, իսկ պարսկականը՝ ավելի քան 200 հազար»։ Մեզ թվում է, որ այս թվերը հավաստի չեն (էջ 166)։

1. Որ հայկական զորքը Ավարայրում ունեցել է 66000 հետևակ և հեծելազոր, այդ վկայում է միայն Եղիշեն, Ղազար Փարպեցին հայկական զորքի թվի մասին վկայություն չունի։ Ս. Սարգսյանը Եղիշեի հետ համաձայն չէ. ըստ նրա հայերը Ավարայրում ունեցել են 35—40 հազար զինվոր (էջ 188)։ Իր կարծիքը հիմնավորելու համար Ս. Սարգսյանը բերում է տարբեր փաստարկումներ առանց նրանց մեջ խորանալու։ Այսպես՝ վկայակոչելով Ն. Ադոնցին, նա գրում է. «Մարզպանական շրջանում հայկական հեծելազորը կրճատվել է և հասցվել մինչև 30 հազարի» (էջ 187)։ Ն. Ադոնցը այս գրել է հիմնվելով Սեբեոսի և Պ. Կեսարացու հաղորդածների վրա, որոնք վերաբերում են ոչ եթ 451 թ. Ավարայրի ճակատամարտի ժամանակին, այլ 482 և 531 թթ.։ Տարբերությունը քիչ չէ։ Կա՞ որևէ պատճառ Եղիշեի վկայությունը համարելու «ոչ հավաստի»։ Ինչպես ասացինք, հին դարերում հեղինակները սովորություն ունեին չափազանցել թշնամու զորքի թիվը, նրանք միևնույն ժամանակ քչացնում էին սևիականը, որպեսզի հաղթության դեպքում ընդգծեն իրենց առավելությունը, իսկ պարտության դեպքում՝ պատճառաբանեն։ Հարց է ծագում, Եղիշեն ի՞նչ միտումով պետք է ավելացնի հայկական զորքի թիվը, երբ ընդհանրապես անում էին հակառակը։

2. Ո՛չ Եղիշեն և ո՛չ էլ Ղ. Փարպեցին ոչ մի տեղ չեն վկայում, թե պարսիկները Ավարայրում ունեցել են «ավելի քան 200000 զորք»։

Ավարայրի դաշտում հայկական զորքի մարտակարգի և նրա հրամանատարների մասին Ս. Սարգսյանը գրում է. «Նկատի ունենալով այն, որ հայկական զինքերի թվի և նրանց հրամանատարների մասին պատմիչների մոտ-

կան տարրեր կարծիքներ, ուստի նպատակահարմար ենք համարում մեջ բերել պատմիչների համապատասխան հատվածները ռազմական արվեստի տեսանկյունով այն ճշտորեն մեկնարանելու համար» (էջ 190)։ Ըստ Ս. Սարգսյանի, ա՛հ Ղ. Փարպեցու մի ցուցմունք՝ հայկական զորքի մարտակարգի և նրանց հրամանատարների տեղի մասին Ավարայրի ճակատամարտում. «Պատերազմի ժամը հասնելով, պարսից զնդերին տեսնում էին նկատված կարգին համաձայն։ Կարգում էր և իր գունդը հայոց հրանելի վարդան զորավարը... աջ կողմին զորադուխ կարգեց Արշարունյաց Կամսարական Արշավիր իշխանին։ Չախ կողմը տվեց խորեն խորխոռունուն... իսկ ինքը՝ հայոց զորավար սուրբ Վարդանը պատրաստվեց, որ մեջտեղի վրա հարձակվի» (էջ 191)։ Հեղինակը ընկել է թյուրիմացության մեջ։ Ղազար Փարպեցու այս հաղորդումը վերաբերում է 450 թ. իսլախալի ճակատամարտին և ոչ թե 451 թ. Ավարայրի (տե՛ս Ղ. Փարպեցի, II, 15)։ Մի կողմից ընկնելով թյուրիմացության մեջ, մյուս կողմից սխալ մեկնաբանելով Եղիշեի և Ղ. Փարպեցու մյուս ցուցմունքները, Ս. Սարգսյանը բանը հասցնում է այնտեղ, որ հայկական զորքի մարտակարգի մասերի հրամանատարներից ոչ մեկը չի մնում իր տեղում։ Այլ թե՛ հրամանատար խորեն խորխոռունու տեղը ցույց է տալիս Արշավիր Արշարունուն, կենտրոնում ներշապուհ Արծրունտ։ փոխարեն՝ Վահան Արծրունուն, ձախ թևում Թաթուլ Վանանդացու տեղը՝ Վարդան Մամիկոնյանին, իսկ ամբողջ հայկական զորքը թողնում է առանց ընդհանուր հրամանատարի (տե՛ս 192, 193 էջերը և սխեման նրանց միջև)։

Աշխատության մեջ սխալ են ցույց տրված նաև ճակատամարտի ընթացքը և ելքը։ Հեղինակը, փոխանակ դիտականորեն ուսումնասիրելու մեր մատենագիրների հաղորդումները, ցույց տալու այդ ճակատամարտի բովանդակությունը, առանց որևէ հիմքի շարունակ (7 անգամ) կրկնում է՝ աշխարհագրայինները «փախուստի դիմեցին» (էջ 191—200)։ Փախուստի մասին առաջին անգամ գրել է Ղ. Փարպեցին։ Ըստ Փարպեցու ռեկոմենդացիայի զորքին փախցրին նրանք» (հայերը), որից հետո հայերը «գեպի փախուստ դարձած՝ հավիտենական կերպով կորան» (Ղ. Փարպեցի, II, 15)։ Ինչպես կարող էին փախած պարսիկները հենց նույն տեղում, իրենց հերթին, փախցնել հայերին, կամ հայերը ինչու պետք է փախչեին, երբ թշնամին ինքն էր փախչում։ Ղազար Փարպեցու մոտ «փախուստը» դա նահանջն է։ Դրանք տարրեր բաներ են ռազմական արվեստում։ Ի՞նչ է նշանակում կովի դաշտից փախչել։ Երբ զինվորը, ստորաբաժանումը, զինվորական մասը

կամ նույնիսկ միավորումը, շկատարելով իր մարտական խնդիրը (առաջադրանքը), լքում է կովի դաշտը, դա կոչվում է փախուստ։ Երբ այդպիսի փախստական զորքին հասնում է հետապնդող թշնամին, նրանք կովից խուսափելով նորից են փախչում։ Իսկ ի՞նչ արեց հայկական զորքը Ավարայրում և Ավարայրից հետո Ավարայրի ճակատամարտում հայկական զորքը ցույց տվեց հմուտ մարտունակություն և բարձր բարոյական ոգի։ Նա պարսկական նետերի տակ անցավ Տղմուտը և թշնամու հետ ձեռնամարտի բռնվեց։ Մի ամբողջ օր հայերը համառորեն կռվեցին թվով գերակշռող պարսիկների դեմ նրանց մարտակարգի տեղը, թշնամուն հասցրին մեծ կորուստներ և բարոյալքեցին նրան։ Իրենց մարտական խնդիրը կատարելուց հետո հայերը գիշերը նահանջեցին երկրի խորքը։ Իսկ երբ պարսիկները վերականգնեցին իրենց կորուստները («...Շատ հեծելազոր եկավ ավելացավ սպանվածների տեղը, և զորքը թիվը էլի առաջվա չափ եղավ», Եղիշե, Վարդանանց պատմությունը, 1958, էջ 144), շարժվեցին դեպի Հայաստանի խորքերը։ Ի՞նչ ստացվեց դրանից։ Տայքում հայերը դուրս եկան պարսիկների դեմ, «բախվեցին միմյանց և հզորապես հաղթելով՝ ջարդեցին պարսից զնդի զորությունը. նրանցից շատերին կոտորեցին» (Եղիշե, էջ 115)։ «Կոտորեցին Պարսից զորքերից և ետ դարձնելով փախցրին. նրանցից շատերին այնտեղ շինամիջում կոտորեցին» (Ղ. Փարպեցի, II, 15)։ Այսպես եղավ Տայքում, այսպես եղավ Տմորիքում, Արցախում, միջնաշխարհում, եթե հայերի այս զործողությունը «փախուստ» է, ապա ո՞րն է նահանջման մասերը ընդհանրապես և հայերի մոտ՝ մասնավորապես։ Չէ որ դա նրանց կովելու ընդունված ձևն էր դեռ շատ հնուց։ Շարունակելով իր մտքերը, հեղինակը գրում է. «Կազմալուծված այդ զնդերը, հեռանալով ճակատամարտի վայրից, ապաստանում են հայերի երկրի անառիկ վայրերում։ Պարսկական զորքը հետապնդում է նրանց, փորձելով ոչնչացնել բոլորին» (էջ 196—197)։ Հայկական զնդերը չեն կազմալուծվել, նրանք նահանջել են, ղեկավարվելով այդ պատերազմը վարելու իրենց պլանով։ Պարսկական զորքը նահանջող հայերին չի հետապնդել, նրանց առաջխաղացումը եղել է ուշ, իրենց կորուստները վերականգնելուց հետո, ինչպես ասացինք վերևում։ Ժակ դը Մորգանը գրել է. «...իրանցիները այսչափ դիմադրությունից զարմացած, կանգ կառնեն իրենց կորուստները դարձանելու համար» (M o r g a n, Histoire du Peuple Armentien, Paris, 1919, էջ 113)։

«Ըստ Եղիշեի և Ղազար Փարպեցու, հայկական բանակը Ավարայրի ճակատամարտում

կորցրեց 1026 մարդ, իսկ պարսկական բանակը՝ 3544 մարդ»—գրում է հեղինակը (էջ 197. Եղիշեն և Փարպեցին հայերի կորուստը ցույց են տալիս 1036 մարդ և ոչ՝ 1026)։ «Պատմիչները այդ թվերը միտումնավոր կերպով փոքրացրել են կամ չեն կարողացել ճիշտ տրված լինելը տալ» (էջ 197),— եզրակացնում է նա, ինչու պատմիչները պետք է փոքրացնեին այդ տվյալները, կամ մի՞թե այդ կորուստները քիչ են։ Բոլոր ճակատամարտերը չեն, որ լինում են կաններ կամ խարաններ։ Մարաթոնում 490 թ. (մ. թ. ա.) հույները տվեցին 192 սպանված և մոտ 800 վիրավոր։ Արդենտորոտի մոտ, 357 թ. հռոմեացիները տվեցին մոտ 250 սպանված և 1000 վիրավոր։ Մի՞թե այդ ճակատամարտերը վճռական չէին և պատմության ու ռազմական արվեստի մեջ մեծ նշանակություն չունեն։ Եթե Ավարայրի ճակատամարտում սպանվածների թվին ավելացնենք վիրավորվածներին, ապա պարսիկների կորուստը կլինի ավելի քան 17500, հայերինը՝ մոտ 5200 մարդ։ Այս թվերի բացարձակ նշանակությունը և նրանց հարաբերությունը ցույց են տալիս ճակատամարտի ընթացքը և հայերի համար բարեհաջող էլքը։ Ավարայրի ճակատամարտում ապստամբ հայերը լրիվ կատարեցին իրենց ռազմական խնդիրը, պարսիկներին հասցրին մեծ կորուստներ, միևնույն ժամանակ պահպանեցին իրենց ուժերը ու պայքարը շարունակելու հաստատակամությունը։ Իսկ պարսիկները համոզվեցին, որ այդ կռիվը իրենց համար անհեռանկարային է։ Այս է Ավարայրի հիմնական նշանակությունը։

Այստեղ հնարավոր չէ ցույց տալ այն բոլոր սխալներն ու աղավաղումները, որ կան Գավղամելայի, Արածանիի և առանձնապես Ավարայրի ճակատամարտերի նկարագրության մեջ։ Ասենք միայն, որ այդ նույն մակարդակով են նկարագրված մյուս բոլոր ճակատամարտերը, որոնց մասին խոսում է հեղինակը։

Ռազմա-տեսական (աշխատությունում գրված է ռազմա-տակտիկական) մտքի ծագումը Հայաստանում Ս. Սարգսյանը կապում է դուցազնական Հայկի և Բելի կռիվ հետ ըստ հորենացու հաղորդածի (էջ 28)։ Դա դիտական մոտեցում չէ հարցին։ Ռազմական արվեստի, ինչպես նաև պատերազմների պատմությունը հետազոտման համար հիմք է ընդունում միայն կոնկրետ կռիվը, ճակատամարտը, պատերազմը կամ նրանց պատմությունը և ոչ թե ավանդությունը։ Ս. Սարգսյանը գրում է. «Չնայած մեզ հայտնի չէ ավանդույթյան ստեղծման ժամանակը, սակայն անվիճելի է, որ մարտ վարելու տակտիկական այն եղանակը և մարտակարգ կառուցելու այն ձևը, որ նկարագրում է հորենացին, հայտնի էին նրա ժամանակի հայ զինվորականներին» (էջ

28)։ հորենացին իր «Հայոց պատմությունը» գրել է V դարում։ Այդ ժամանակ հայերը ունեին երկար դարերի ռազմական փորձ և ծանոթ էին ժամանակակից առաջավոր ռազմական մտքին։ Ինչնք, որ V դարում գոյություն ունեին Քսենոֆոնի (IV դար մ. թ. ա.), Օնիսանդրոսի (I դար), Վեզեցիոսի (IV դար) և ուրիշ հեղինակների ռազմա-տեսական գործերը։ Պարզ է, որ հայ զինվորականներին V դարում մարտ վարելու ավելի բարձր ձևեր էին հայտնի, քան այն, որը ցույց է տրված Հայկի և Բելի կռիվում։ Ս. Սարգսյանը գրում է. «Բաբելոնի դեմ Մարաստանի մղած պատերազմում պարսկական և մարական հետևակի հետևից շարժվել է հայոց հետևակը. որը կազմված էր վահանակիրներից և աղեղնավորներից։ Հայկական զորքերը, ինչպես երևում է, պարսկականի նմանությամբ կազմված են եղել լոխերով և տաքսիաներով» հետևակը, որը կազմված էր վահանակիրներից պարսիկների հետ միասին մի ընդհանուր Թըշնամու դեմ դեռ չի նշանակում, որ նրանք ընդունել են պարսիկների զորքերի կազմած ձևը և Ս. Սարգսյանի «ինչպես երևում է» ենթադրությունը փաստ չէ։ Ըստ Ս. Սարգսյանի ոչ միայն պարսկական զորքի կառուցվածքի ձևերը, այլև նրանց ռազմական արվեստն էլ արմատավորվել են հայկական զորքում։ Նա ընդհանրացնում է. «Այդպես են արմատավորվել մարտակարգի կառուցման մեթոդները և պարսկական զորքերի մարտերի տակտիկական եղանակները հայկական զորքերում Կյուրոս Աքեմենյանի ժամանակ» (էջ 36)։ Իհարկե, հայերը, ինչպես այդ անում են բոլոր ժողովուրդները, լնդօրինակել են ռազմական գործում իրենց հարևաններից այն, ինչ իրենց օգտավետ է եղել, բայց դա չի նշանակում, թե ուրիշի ռազմական արվեստն է հայերի մոտ արմատավորվել։ Եթե Ս. Սարգսյանը ուսումնասիրեր ուրարտացիների ռազմական գործը, նա կտեսներ, որ հայերի ռազմական միտքը, նրանց ստրատեգիան, տակտիկան, զենքը, զորքի կառուցվածքը, պաշտպանողական կառուցումները ուրարտական ռազմական արվեստի հետագա զարգացումն են։

Հայկական լեոնաշխարհի ռազմա-ստրատեգիական նշանակությունը հեղինակը ցույց է տալիս 10—11 էջերում հետևյալ մեջբերումով. «Այնքան, ինչքան նրան (Հայկական լեոնաշխարհին) տիրողն իշխել է Քուռի հովտի, Աղբր-բեջանի տափաստանի, Միջագետքի հարթավայրի և, վերջապես, Անատոլիայի դաշտավայրի վրա,— գրում է Գուրկո Կրյաժինը,— հենց այդ պատճառով էլ մենք տեսնում ենք, որ հազարամյակների ընթացքում Արևմուտքի և Արևելքի մեծ պետությունները կատաղի կռիվներ են մղել իրար հետ Հայաստանին տիրելու համար» (էջ

10): Աշխարհագրական դիրքը ժողովուրդները կյանքում և ուղղման գործում քիչ նշանակություն չունի, բայց ամեն ինչ չի կարելի բացատրել այդ դիրքով: Հայաստանին տիրելու համար հազարամյակների ընթացքում եղած կոիվների հիմնական պատճառները պետք է փնտրել ոչ զե միայն նրա աշխարհագրական դիրքի, այլ առաջին հերթին նրա տնտեսական, քաղաքական և ուղղման գործիքային մեջ: Գրախոսվող գրքը հեղինակի բացատրությունը թերի է ու միակողմանի:

«Հայ ուղղման արվեստի պատմություն»-նից աշխատությունը ընդգրկում է մոտ 1200 տարվա պատմություն: Այդ ընթացքում ուղղման արվեստը դարձան է երկու հիմնական սոցիալ-տնտեսական հասարակարգում՝ ստրկատիրական և ֆեոդալական (ավելի ճիշտ՝ վաղ ֆեոդալական): Եվ այդ պատճառով նա պետք է բաժանվեր երկու հիմնական դիմացի՝ ստրկատիրական հասարակարգի և վաղ ֆեոդալական շրջանի ուղղման արվեստի պատմության: Հեղինակը, սակայն, չի շրջաբաժանում պատերազմների պատմությունը, բավարարվելով միայն ճակատամարտերը ըստ փուլերի բաժանելով, ընդ որում Հռոմեական ճակատամարտում մոռացել է ցույց տալ I փուլը, նկարագրությունը սկսելով ուղղակի II փուլից (էջ 130):

Աշխատության մեջ ճակատամարտերի, պատերազմների և նույնիսկ առանձին զուխների վերնագրերը չեն համապատասխանում ուղղման արվեստի պատմության մեջ ընդունված ձևերին: Այսպես՝ «Լուկուլոսի արշավանքը Արտաշատ» (էջ 87) գրելու փոխարեն նպատակահարմար կլիներ գրել «Արտաշատի ճակատամարտը», «Կրասոսի արշավանքը Պարթևստան և Արտաշատի 11-ը» (էջ 109) գրելու փոխարեն՝ «54—53 թթ. (մ. թ. ա.) հռոմեա-պարթևական պատերազմը և Հայաստանը»: Ութերորդ զուխը հեղինակը վերնագրել է. «Երեսնամյա պատերազմը: Դասակարգային պայքարի սրումը Հայաստանում: Հայ ժողովրդի պայքարը իր անկախության համար» (էջ 160):

Ուղղման արվեստի համար «դասակարգային պայքարի սրման» նշանակությունը ցույց տալու համար նա նշում է միայն այն, որ օգտվելով «Հայաստանում դասակարգային պայքարի հետևանքով տիրող խառնաշփոթություն»

նից, Շապուհ II-ը 364 թ. նոր արշավանք սկսեց ամբողջ Հայաստանը նվաճելու համար» (էջ 161) և ուրիշ ոչինչ:

Աշխատության մեջ շատ են ոչ ճիշտ, հակասական ու անտրամաբանական մտքերը. այսպես, 10-րդ էջում կարդում ենք՝ «Հայաստանի քաղաքական կյանքը հաճախակի փոխվել է, փոփոխվել են նաև Հայկական լեռնաշխարհի սահմանները»: Հայկական լեռնաշխարհի սահմանները միշտ նույնն են եղել, նրանք չէին կարող փոփոխվել: Խոսելով 69 թ. Տիգրանակերտի ճակատամարտում հայկական զորքերի պարտության պատճառների մասին, հեղինակը գրում է. «Մանրազնին հետախուզության բացակայությունը հնարավորություն չի տվել Տիգրանին (II-ին) ճշտորեն հայտնաբերել հակառակորդի ուժերն ու խմբավորումները, ինչպես և հռոմեական բանակի մտադրությունը» (էջ 84): Իսկ 106 էջում բնութագրելով Տիգրան II-ին որպես պետական գործիչ և զորավար, նա գրում է. «Մարտ սկսելուց առաջ Տիգրանը կազմակերպել է մանրազնին հետախուզություն՝ հակառակորդի ուժերը և կազմը հայտնաբերելու համար» (էջ 107): Դարանաղի Անի բերդի գրավումը պարսիկների կողմից Ս. Սարգսյանը նրկարագրում է այսպես. «Այնուհետև շարունակում են արշավը Դարանաղի գավառի Անի քաղաքի վրա, բայց չեն կարողանում գրոհով վերցնել, ուստի պարսից զորքերը բերդի պարիսպների վրա մարդիկ են բարձրացնում, որոնք քանդում են պարիսպները և զորքերը ներս են խուժում Անի բերդը» (էջ 161): Եթե այսքան հեշտ էր բերդի պարիսպները քանդել, էլ ինչու էին պարսիկները գրոհում:

Աշխատության մեջ ցույց չեն տրված հայերի ուղղման ստրատեգիայի առանձնահատկությունները, սխալ են մեկնաբանված տակտիկայի զարգացումն ու ուղղման մտքի ծագումը: Ոչ քննադատաբար և աղավաղված ձևով են օգտագործված սկզբնաղբյուրները: Շատ են քաղաքությունները, չի շրջաբաժանված ուղղման արվեստի, ինչպես նաև պատերազմների պատմությունը: Պատերազմների և ճակատամարտերի պատմությունը շարադրված է ոչ ճիշտ և պարզունակ:

Հ. ԱՂԱԲԵԿՅԱՆ